

受之為身寶 就學恒苦耽 治身恨不早
皆當披幽牘 倏忽催人老 吾故及弱齡
棄世急學道

天尊說是戒已一切大會諸天天王諸天
衆諸國王諸國國王妃嫔女太后宮人
八部龍神十方衆聖梵王天帝三界衆真五
方帝君四維神主如是衆等不可具名聞說
戒經皆證真道者見物類者能言跛者能
行聾者得聽大地患者皆悉除地獄停酸
永離鬼道時有五千學士文藻談天擢國良
賢欲求冠冕迴心敬道稽首歸依
天尊慈悲登時拔度各授玉簡普賜金冠法
服仙衣諸天捧施清溪放曠碧落道進服氣
餐霞乘龍控鶴大衆歡喜歌讚清虛空裏飛
仙標名秘錄雲中引接指視天門悟道證真
靜居常樂敬經之者信受奉行

太上洞玄靈寶上品戒經

太上玄一真人說三途五苦勸戒經

道言吾於混沌無形之中歷觀諸天梵炁無
執數量天地成敗生死報應莫不有對莫不
有歸天地運轉四時交謝亦有感衰日月光
耀一滅一生亦有盈虧人稟炁生志有精麤
行有是非心願如是形迹亦是功過相籍纖
毫不失皆明於天地其理甚分故人死無數
生亦不止皆以輪轉魂神往返相加莫非先
身以之無極吾故於虛無無形之中為諸來
生上開八門以為法輪教化愚蒙勸戒因緣
開度萬生今治道行得入無為知其宿命成
於至真而今見八門無極世界塵沙而來百
姓子男女人學與不學不顧宿命違科犯戒
死嬰痛毒流曳三途五苦之中非復人形皆
受其前身所行惡對致今之報見之悲傷為
之不言責之在形惡之在心今故開法輪以
度其身來者明慎詳而奉焉
道言吾嘗歷觀諸天出遊東門見有百姓子
男女人口面膿爛血臭流出頸如垂線腹如
懸鼓身有鐵錐口中銜火大小相牽流曳途

炭無復人形足踐刀刃之上身負鐵杖痛不
可負毒不可忍為之悲傷哀感無已道曰其
人何辜宿命何緣所行何犯積何罪過以致
斯報苦毒如此東極世界飛天人曰斯罪人
也其前身所行惡口赤舌評論道德攻伐師
主更相讒擊或殺害無道不念衆生酷虐為
行心懷陰惡誅戮無度嫉妬勝己抑絕賢明
致招今對諸苦備經萬劫當還生非人之道
其因如此道曰可今斯人念其前行思念為
善度著法輪授以勸戒使得更生還在人中
修吾此道以解宿對思作道行廣開法門建
立福田功滿德就昇入東門之中見其宿命
之根更受滅度以致飛仙也
道言吾嘗歷觀諸天出遊西門見有百姓子
男女人牛頭獸身拔出其舌以鐵錐刺之巨
天力士鐵杖亂考不有限數身體膿壞無復
人形足立刀山之上痛不可堪毒不可忍見
之悲傷哀之無已道曰其人何辜緣何宿命
行何元逆以致斯報楚毒如此西極世界飛
天人曰斯罪人也其人前身所行不道違負

師命輕忽三寶口是心非攻根伐主罵詈咒誓叫喚神鬼飲酒過量貪欲無已或毀善譽惡謗擊賢人詭害忠良滅人之命怨魂彌訴斯罪深重致招今對諸苦備經萬劫當還生邊夷之國有人之形無人之情其因如此道

曰可今斯人思其宿行念其所患改之為善內著法輪授以勸戒使得還生中國修吾此道解其宿對思念作善廣建福田更受開度入吾西門見諸天人受其先功之業永享無量之報也

道言吾嘗歷觀諸天出遊南門見有百姓子男女人裸身無衣吞火食炭為火所燒頭面焦燎舉體爛壞無復人形頭戴鐵鑊足倚火山痛非可忍考不可瞻見之悲傷慙之在心道曰其人從何而生從何來宿命何緣犯何非法而招此對楚毒乃爾南極世界飛天人曰此之罪人前生之時歧咽兩舌評論道士攻擊賢人不慈不孝不仁不忠罵辱父母六親相殘或烹殺六畜殘害獸命炭炙取食取一時之美不顧宿命或為屠賣割剔無數

斯罪元逆致招今對苦痛備更萬劫當還生六畜中以酬昔怨其因如此道曰可今斯人改往之行思念作善度入法輪得還生人中授其勸戒使行慈心廣建功德更受開度入吾南門得見諸天受善功之福與善結緣也

道言吾嘗歷觀諸天出遊北門見有百姓子男女人裸形赤身無大無小相牽流曳入鑊湯之中身被煮漬百毒之汁以灌其上五體爛壞非可得忍然後又入寒泉之池或入北獄之中頸脚鎖械身負考掠幽閉重檻不覩

三光道曰此人從何而來生出何門與何結緣犯何神明人雖有對其酷如斯甚可哀傷北極世界飛天人曰此之罪人前生所行手弑君父謀反師主賊害人命或恃強抑弱中傷朋友攻擊善人言語官司橫罹無辜枉者稱訴怨對彌天或裸露三毛穢慢世君或敗壞靜舍靈觀治堂或盜取經書無盟而傳或疑毀正文塔壞寶章或燒敗天經輕慢靈真斯罪深重故招今對萬楚備經萬劫當生六畜之中或為賤人孽畜六疾非人之形其因

如此道曰可今斯人思念先行改心為善內著法輪授以勸戒使得生人道伏從禁戒於今更治道行受於開度入吾北門見其宿命今知至真也

道言吾嘗歷觀諸天出遊東北門見有百姓子男女人身形駝駘鐵鑊鎖械負山擔石往返鐵針之上食息不得不捨晝夜大小相率無復數量艱辛塗炭非可忍視道曰此人緣何而生受生誰門積河罪過犯何神明嬰負斯對乃至如此身充考楚何當得脫東北世

界飛天人曰斯罪人也其前生富貴凌虐貧賤強奪人物殺害人命或為劫賊更相攻伐或奪人所愛姦人妻妾離人母子或六親相姦淫犯骨肉斯罪深重致招今對身經三掠乃得還生牛馬之中其因如此道見之悲傷哀念在心告飛天人曰可今斯人思念宿命前身所犯於今改更與善結緣得脫此厄當念作功德廣建福田以贖往愆當授其勸戒度入東北之門今見眾善知其命根轉輪不滅乃可得入無量之場也

道言吾嘗歷觀諸天出遊西南門見有百姓子男女人裸形赤身身抱銅柱柱上大針針其腹背太山之獸噉食其肉足立鐵勒之上大小流曳無復人形楚痛陰炭非可忍見道曰斯人何犯宿命何緣行何元逆罪乃至此負考幾年當得解脫西南世界飛天人曰此之罪人前生之時身行強奪人食割之人命換借不還欺誘萬物或以強凌弱求取無厭得輒歡喜不得忿恨伺便擊人泄其惡心或輕慢尊長笑薄窮病或裸身露形觸忤三光不敬天地不畏鬼神斯罪至重致招今對以報宿怨萬劫當得還生下人之中身作僕使其因如此道見之悲傷哀念無已告飛天人曰可令斯人思念宿命改心為善更治道行廣建功德以拔昔怨當授其勸戒度入西南之門令見眾善知有罪福轉輪不滅乃得入無為之道也

定方誦死魂提諸山土石填塞河海大小流曳五苦備嬰塗炭艱難非可忍見道曰斯人有何緣對宿命所由犯何神明誰生無罪其獨知此東南世界飛天人曰此之罪人前身殺生淫祀祭銅玉鬼誹笑道士毀真人棄法入偽背師叛道呪詛善人被頭散髮仰天叫神厥禱無道輒欲殺人或輕慢日月罵詈星辰自作一法不信宿命或破山塞源斷過神道或掘人塚擲取人衣物暴露白骨捐放草野笑人作善自言其是嫉妬勝己心懷陰惡其罪深重致招今對萬劫當得還生賤人之中身嬰六極或抱殘病或生瘡疾以報宿怨其因如此道見之悲傷哀念在心告飛天人曰可令斯人革往之行思念宿命於今修善建立功德廣開福田使精誠苦厲以拔昔咎與道結緣度入東南之門授其勸戒今更修善行還生人中學度一切得與道為因也道言吾嘗歷觀諸天出遊西北門見有百姓子男女人身被冕鉗幽閉重檻不親三光在五獄之中一日三掠鐵杖亂考無復數量罪

膿血流出不可得見痛不可忍道曰斯人何事宿命何值這何經教犯何科律以致斯酷西北世界飛天人曰此之罪人也其前身浮好心慕榮利形實上學愛惜珍寶不受經法齋信奉受心追悵惜受經未備強欲作師不依年限傳授弟子不關天地無有盟約更相傳付得者不恭付者不精唱露秘文流布俗間致令愚俗毀咎道真管毀寶經或受經穢慢輕忽三寶不承師訓自用一意或齋戒不精思念不專其罪深重致招今對萬劫當得還生下愚之中與道長隔或嬰六疾孽自不聽其因如此道見之悲傷哀念在心告飛天人曰斯人雖犯科律嘗經法門可今思念先身所行之惡今更思善廣建功德伏從師宗度其西北之門授其勸戒令得還生人中更受寶經勤行大業功滿德普當得昇入至真之場也道言吾聞八門以遊觀衆生見有百姓子男女人學與不學不顧宿命所行元惡翻天倒地無所不作罪滿結竟死魂充滿三途五苦

八難之中考掠楚捷痛毒無極大小流曳相牽塗炭歷劫不解哀念悲傷不能已矣故為開度授其勸戒令自思善念其宿命所行罪惡於是改行內著法輪今早得更生還於人中大作功德施惠布散廣建福田奉宗師寶供養孝心今功德圓滿解脫昔怨身受福慶乃入道場知有宿命以成至真此法弘普功加一切得見其文宿根自拔五苦不經三途解脫長離八難見世安康世世富貴家門興隆思念前生與善因緣若能長齋燒香禮拜廣救萬物濟眾生捐身布施行人所不能行為人所不能為懷人所不能懷忍人所不能忍眾行合法剋得上仙坐降雲龍飛行太空也

三途五苦無善命根偈頌

出遊八門 歷觀諸天 無極世界 洞觀諸緣 見有百姓 男女之人 窮魂號咷 流曳八難 吞火食炭 負石捷山 循履劔樹 風刀往還 五體爛壞 無復形身 見之悲哀 不覺悲傷 問之何辜 宿命何緣 鍾契斯對 不識命根

迷不知華沈淪罪因念汝歷劫諸苦備更三光長閉幽痛可言望吾八門甚為淚淚
 妙覺來去思 魂神無暫滅 一生一死中 形魂不蹉跌 天地罪福門 緣對各歸一
 熱覺前身行 三途永難脫 飛天說勸戒 輪轉八門出 惡念宿命根 積善以自拔
 今化生人中 始悟還不絕 建立開福田 廣救加一切 功德德亦普 超度無羣匹
 身享無數數 神歡形亦悅 放浪隨運運 逍遙無為室 願者罪門免 與爾長離別
 法輪拔度命根昇玄偈頌
 八觀因緣門 罪福從中生 時見有心者 思悟感天情 吾今為爾故 開門說妙經
 如是經中言 億劫皆受祭 伏從受勸戒 以經度我形 惡念宿命根 拔出先身嬰
 超越過三羅 八難於是實 魂返入定質 神操從是榮 滅度如脫胞 曠明觀八清
 轉輪得神仙 緣我改心精 受報無窮重 志定入福庭 三十二相好 皆從身中明

項負七寶光 照耀諸天形 雲迂八景與迴風捷綠駢 昇入玄玄門 斯慶樂未央道言此三篇偈頌出元始之先無數之劫道成天地功濟萬物其說微妙弘廣無極皆投高仙大聖十方至真已得仙道不投中仙得見其文供養宗奉生死復慶不更三途不復八難見世富貴命安寧世生賢才男女聰明聲色端偉智慧慈憐仁萬惡潛伏千災不十死離地獄不經泰山徑昇福堂衣食自然輪轉不滅與善因緣若能長齋修行思真奉法承戒虛心注玄開張廣救拯危度窮施惠散德供事師宗承顏悅色形同苦寒功滿德就身後神仙道遙太空昇入八門之中也

太上玄一真人說三途五苦勸戒經